

皇朝編年備要三十卷

(宋)陳均撰 宋刻本 錢大昕跋。框高十九·七

釐米，寬十二·七釐米。每半葉八行，行十六字，小字雙行二十三字，白口，四周雙邊。

陳均(一一七四—一二四四)字平甫，莆田(今屬福建)人。丞相俊卿之從孫。理宗初辭太學歸里。端平初，補迪功郎，不受。

是書本李燾《續資治通鑑長編》，用《國史》、《實錄》等書為編年體例，書法蓋模仿朱氏《通鑑綱目》之例而加斟酌。《宋史·藝文志》不載，陳氏《書錄解題》著錄，而又譏其去取無法，詳略失中。朱彝尊乃稱陳桎、王宗沐、薛應旂所輯書類皆謬誤疏略，觀平甫書，簡而有要，可謂盡善(《曝書亭集》卷四十五《莆田陳氏九朝編年備要跋》)。

此本前有陳均序，紹定二年(一二二九)真德秀序，紹定己丑(二年)中秋長樂鄭性之序，紹定二年冬十一月南至朝議大夫直敷文閣新知漳州林岳序。次參用凡例，引用諸書，次目錄，凡二十五卷，起太祖建隆元年，訖哲宗元符元年。目後有「已後五卷見成出售」一行，次補刊編年備要五卷目錄，起徽宗建中靖國元年，訖靖康三年。前二十

五卷每卷於「皇朝編年」下空兩格，始接「備要」二字，後五卷卷端題「九朝編年備要」。錢大昕以平甫有《皇朝編年舉要》，疑所闕者為「舉要」二字（《潛研堂文集》卷二十八《又跋九朝編年備要》）。黃丕烈嘗以別本證之，以為所空兩格係「綱目」二字，則與《宋史·理宗紀》端平二年三月乙未詔太學生陳均編《宋長編綱目》補迪功郎之說合（《百宋一廬書錄》）。

黃氏所云之別本每半葉八行，行十六字，小字雙行二十四字。較之此本，每行多一字。目錄二十五卷，無補刊編年備要五卷目錄，為汪士鐘、陸心源舊藏者，今歸日本靜嘉堂文庫。每卷首及引用諸書俱題「皇朝編年綱目備要」。今僅存二十卷，卷二十一以下十卷已經影抄，抄本為每半葉八行，小字雙行二十三字，與此本適相符，當即據此以足成之。首亦有陳均、真德秀、鄭性之、林岬序，字體較此秀勁，疑其本為紹定原刻，止於二十五卷；此為重刻者，增入五卷。

此帙鈐有「五硯樓袁氏收藏金石圖書印」、「紅蕙山農」、「袁綬階」、「綬階珍秘」、「士礼居」、「百宋一廬」、「丕烈」、「蕘夫」、「汪士鐘印」、「閩源真賞」、「泰峰

審定」、「田耕堂藏」、「徐乃昌讀」等印，曾經清袁廷樞、黃丕烈、汪士鐘、郁松年遞藏。
今藏上海圖書館。（郭立暄）